



# „Kòl Jónka Mùzykańta” abò ùdba na bezsztrómòwą jimrã

TÓMK FÓPKA

Czej wiatrë i zelga büten, a wcyg jesz ni mają sztrómù włączoné – chcemë so wëszëkac jaką robòtã. Takã, co sã dô bez elektricznoscë zrobic. Dlô człowieka pòkòleniò sms-ów, mejlów i mp3 je to ale drãgò rzecz...

Wiedno mòże sã legnac. Nòlepi z białkã. Mòże z te dác za dzewiãc miesãdzy jakã domòwą rewòlucjã...

Mòże sã téż sòmno legnac. Leno jak tu wëleżec, czej je teli do zrobieniò...?

Mòżna czejbac. Co bë bëło, czejbë?

– czejbë w Smòleńskù nie bëło dôczy...

– czejbë dëtczi rostë na drzewach...

– czejbë piwkò bëło darmòk...

– czejbë wszëtcë na naszi planëce rozmielë pò kaszëbskù...

– czejbë bëłë mùzyczne karczmë...

Co? Zarò pòpùszczã lécczi wëòbraznie.

Hewò je! Przëchłoscycwò nas szild „Kòl Jónka Mùzykańta”. Wlòżómë. Grajã. Spiëwajã. Sòdómë. Kòrtã pòdajã. A w ni:

– klarnét w gawòsnym zòsu,

– skrzëpice z grila,

– dëszoné dësze altówk,

– klops z codniošwégò gamów cwiczeniò,

– pierodzi z disonansã,

– basowò strëna na masle,

– piekté wieletaktowé pauczë,

– zupa z wiolinowëch kluczów z nudlama,

– salòtka z bemolów,

– czòrné klawisze z grzëboma,

– piwò grzóné na mòtim frullato,

– dwa jaja fùrioso,

– filetë z wësoczégò „c”,

– akòrdowò torta,

– sok ze smëczka,

– pùding „Non tanto grëzato”,

– dirigenckò piers w òleju,

– chùr miészóny na cwiardo,

– kòloraturka na zëmno,

– a piacere sztãpóné z ad libitum,

– przepònowé òddichanié z fritkama,

– kwasné mùnie melomana,

– nie-kòszerné zwãczy tenora,

– fuga w pòlëwie,

– kùch z szesnòstkama,

– harfa w smiotanie,

– prażnica z letczégò tremòla,

– zupka z wrëków na piãclëni,

– pianissimo strzãsté, nie miészóné,

– zylc mòderato,

– parzoné klastrë z rozynkama,

– bigòs „Cantabile”,

– kasz-zestówk „Kaszëbskò kantata na nóz i trzë tãczci”,

– symfònia „Głód-Dur”,

– tuńcowò sujita „Chilarwica”,

– kòncert „Lizaniò pòlców”,

– mrożoné pùzonë,

– òrganë wãdzone w kalikańtowim dëmie,

– gòtowóné trãbczi.

Zamòwiómë. Jémë. Płacymë nòtkama. Wëlòżómë. Coda. Zamikómë dwiërzë.

I zòs dopòdò naj wiatër, co òbwiëwò kaszëbską kròjnã przék a zdłuż. Spòd smiegù wëlòżajã smùtné òbròzczi: sylwestrowé bëksë pò piwie, jesénny mańdat za złé autòła pòstawienié, banowi biliet z wanodzi ju dôwno òdbëti, bót, drót i ùswiadłëch lëstopadnikòwëch kwiatów pòrà krut.

Jimrotno. Wcyg jimrotno... ■